

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

De S. Saba martyre Gottho.

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

¶ Godeberta siebant, petijt se ad eius tumulum adduci. Eò perlata, & iuxta sepulcrum deposita, instanter petijt à Domino per eam sibi subueniri. Erumpabant à pectore suspiria, ab oculis lachrymæ, ab ore non tam verba, quæ formare perfetè non poterat, quam v lulatus. Et eccè repente euaneat paralyticus, vident oculi, patescunt aures, lingua laxatur in voces, abit domum in columnis Imperia, gratias agens Deo & sanctæ virginis Godebertæ.

Iam verò redibat anniuersarius migrationis eius dies : nec dici satis potest, qua exultatione à fidelibus exceptus, qua deuotione celebratus sit. Videlicet licebat vndique concurrentem turbam promiscui sexūs, clericos, monachos, virgines uno animi parique consensu sanctæ virginis concelebrare memoriam. Peracto autē solenni Misericordiarum officio, post multiplices Deo & sanctæ Godebertæ redditas gratiarum actiones, omnes abscedunt, custodes quoquè templi, omnibus ferè extinctis luminaribus, clausisque ostijs, cibum sumpturi domum se conferunt. A prandio complures, vt gratias agant, redent ad templum, aperiunt fores, & ecce lampades & cereos, quos extinxerant, diuinis accensis conspicunt. Erumpunt omnes in laudem Dei, concurrunt ad sanctæ ratiaculum. virginis oratorium, vna cernitur omnium deuotio & ingens gaudium pro tam stupendo miraculo. Adiungitur aliud præclarius. Lampades enim & cerei sic accensi, absque aliquia olei vel cerae diminutione septem indè sequentibus diebus, teste omni populo illo, mirabiliter arserunt. Curatus est ab eadem virginie etiam Gregorius paralyticus, penè iam examinis : curatus est Harneus coccus : facta sunt alia permulta miracula. Nos iam, dilectissimi, in vera confessione & minimè simulata pœnitentia, multisque precibus faciem Domini præueniamus, vt virginis huius sanctissimæ meritis perueniamus ad vitam sempiternam : præstante Domino nostro IESV Christo, qui viuit & regnat in secula seculorum, Amen.

SANCTI SABA GOTTHI VITA ET MARTYRIVM, CONSCRIPTA AB ECCLESIA GOTTHÆ. Habetur autem in Simeone Metaphraſte.

Ecclesia Dei, quæ est in Gotthia, Ecclesia Dei, quæ est in Cappadocia, & omnibus Ecclesiæ Catholicae Christianis, ubiqùe gentium habitantibus, misericordia, pax & charitas Dei patris & Domini nostri Iesu Christi impleatur. Quod à beato Petro dictum est: In omni gête, qui timet Deum & operatur iustitiam, acceptus est ei: nunc etiam verum esse declaratur. Hoc enim in beato Saba confirmatum est, qui est martyr Dei & Domini nostri Iesu Christi. Cum enim genere Gotthus esset, & in Gotthia in medio generationis præauerse peruersæ vitam ageret, ita viros imitatus est sanctos, & cum ipsis omni genere virtutum Christum coluit, ut in mundo tanquam stella fulgeret. Nam indè enim ab ipsa infancia Domini nostri Iesu Christi religionem complexus, eam virtutem perfectam existimauit, vt in filiis Dei cognitione in virum perfectum euaderet. Verum quia diligentibus Deum omnia cooperantur in bonum, strenuè aduersus hostem pugnans, & huius vitæ malis superior existens, atque pacem cum omnibus habens, ad supernæ vocationis brauium peruenit.

Memoria igitur & ædificationis piorum gratia, nos, posteaquam is in Domino conquit, tacere & quiescere nequaquam permittimus: sed ad præclara ipsius facta conscribenda impellimus. Fuit enim fide rectus, religiosus, ad obediendum in omni iustitia promptus, mitis, imperitus sermone, non autem scientia, cum omnibus pacificus, pro veritate loquens, os idololatria obstruens: non superbus, sed (quod humiles decet) subiectus: quietus, non autem petulans in loquendo: ad omne opus bonum propensissimus: psallens in Ecclesia, eiusque magnam curam gerens: pecuniam possessionesque despiciens, nisi quatenus necessitas exigebat: sobrius, omnibus in rebus continens, à feminarum abhorrens confuetudine, precationibus & ieiuniis quotidie incumbens, ab inani gloria alienus, omnes ad recte viuendum incitans, quæ ex virtute atque officio sunt, exequens, fugiensque contraria: integrum denique fidem, que per dilectionem Gal. 5. operatur, obseruans, ac nunquam desinens in Domino cum libertate loqui. Neq; enim femelle, sed sapientia, antequam pro fide martyrio coronaretur, re ipsa seipsum veræ pietatis acerrimum defensorem ostendit.

Cum

Viri sancti
virtutes &
exercitia.

Cum enim Gotthiae principes & magistratus ccepissent Christianos homines infestari, & cogere ut ederent ea, quæ essent idolis immolata, & Gentiles quidam consiliū illud inisſent, vt Christianis propinquis suis pro immolatis, quæ immolata nō essent, proponerent, quō propinquos suos seruarent, persecutoresq; deciperent: re cognita, beatus Sabas non solum ipse comedere cibos vetitos recusauit, sed in medium prodiens, protestatus est omnibus: Si quis, inquiens, ex carnibus illis comederit, Christianus esse non potest. Atque ita cauit, ne omnes in diaboli laqueum incidenter. Hac de causa, qui fraudem hanc moliebantur, eum ex illo vico expulerunt: sed postea reuocarunt. Caterum cùm rursus mota esset persecutio, quidam ex eiusdem vici gentilibus victimas dæmonibus offerentes, iure iurando volebant affirmare, neminem in vico suo Christianum hominem reperiri. Verum Sabas cum fiducia iterum in medium prodiens, & ad confessum illorum accedens: Nemo, inquit, pro me iuret: ego enim Christianus sum. Denique, instante persecutore, prædicti Gentiles, celatis propinquis suis, iurarunt, non esse in vico suo, nisi vnum Christianum. Quo auditio, Princeps iniquitatis iussit, vnum illum (hic autem erat beatus Sabas) adduci. Et cùm esset adductus, ex ijs, qui circumstabant, quæsiuit, quid ille haberet in bonis. Cumque respondisset, nihil amplius, quam id, quo erat induitus, contemptis eum vir iniquus: Neque prodesse, qui ciuismodi est, inquiens, nec obesse potest. Atque ita locutus, iussit eum extrudi.

*Syncretas
sancti viri.
Mortis &
paenarum
contēptus.
Contemni-
tur à iudice
propter pau-
pertatem.*

Pòst autem cùm ingens rursus in Gotthia à peccatoribus persecutio moyeretur, & sanctus Paschæ dies appropinquaret, ad aliud oppidum voluit proficisci, vt cum Guttica, presbytero sanctum illum diem celebraret. Sed iter facienti vir illi magnus, adipicetumque splendido apparuit, & dixit ei: Reuertere, & vade ad Sansalam presbyterum. Sabas autem respondit: Abest, inquiens, Sansalas. Fugerat enim propter persecutionem, & in Romania commorabatur: sed tunc propter diem Paschæ domū redierat. Quamobrem Sabas, cùm eius redditum ignoraret, ita responderat, & ad Gutticam presbyterum ire contendebat. Verum cùm mandato illius magni viri à se conspecti parere nolle, repente cùm serenum tunc esset, magna niuis copia terra faciem sic occupauit, vt iter intercluderetur, & Sabas progedi non posset. Intellexit igitur se Dei voluntate ab itinere prohiberi, iubensis, yr ad Sansalam presbyterum se conferret. Quarè Deo gratias agens, reuerfus est: & cum gudio Sansalam conueniens, narrauit ei & alijs compluribus id, quod in via perspexerat. Simul igitur Paschæ diem celebrarunt. Caterum tercia post celebrationem nocte eccè ex impiorum decreto Atharidus, Rhotesti regulifilius, cum magna impiorum latronum manu in pagum irruit: & cùm domi sua Presbyterum dormientem offendisset, eum vinciri iussit simul cum Saba, quem è lectulo nudum fustulerant. Ac Presbyterum quidem in curru collocarunt: Sabam autem nudum, & fustibus ac flagellis verberantes: adeò erant aduersus Dei seruos immites ac saui.

Rapti nudi, & lecto, & dire affligitur.

*Crudele
supplicium.
Item aliud.*

Sed hostium crudelitas viri iussi patientiam ac fidem exercuit. Cùm enim dies adiunxit, in Domino glorians, persecutores suos allocutus est ad hunc modum: Nonne me per loca aspera & spinosa nudum & sine calceis pertraxisti? Cernite, an pedes mei læsi sint: vtrum in corpore meo apparent verberum signa, quæ mihi inflixisti. Videntes illi nullum in eius carne vestigium extare crudelitatis sua, sublatum axem super humeros eius imposuerunt, & ad extremas axis partes manus ipsius extenderunt, pedesque similiter ad alterum axem alligârunt: & denique super axes ipsum projicientes, vt humi supinus iaceret, efficerunt: nec prius eum torquere destiterunt, quā maximā noctis pars præteriisset. Verum, ministris dormientibus, mulier accessit, & soluit eum. Nocte enim excitata fuerat, vt domesticis cibum pararet. Ille verò solutus, eodem in loco mansit intrepidus cum muliere, & eam adiuuabat. Sed postea quā illuxit, recognita, crudelis Atharidus manus eius vinciri iussit, eumque ad trabem domis suspenderunt, sic Presbyterum & Sabam alloquentes: Hæc vobis magnus Atharidus mittit, vt comedatis, & animas vestras à morte liberetis. Hæc nos, respondit Presbyter, non editimus. neque enim nobis licet. Quamobrem Atharidum cohortamini, vt nos potius inbeat crucifigi, aut alio genere mortis interfici. Beatus autem Sabas: Quis, inquit, hæc misit? Responderunt: Dominus Atharidus. Vnus, inquit Sabas, est Dominus Deus, qui in celis est. Impuri & profani sunt illi perditionis cibi, quemadmodum & Atharidus ipse, à quo misi sunt. Ita loquente Saba, vnus è seruis Atharidi ira inflammatus, vs in sancti viri pectus coniecit tanto cum impetu, vt omnes, qui aderant, crederent cum statim

statim interitum. Verum ille pietatis studio vulneris dolorem superans: Nunc, inquit, minister, arbitraris i^ctu me tuo suffulisse? Sed ita habeto, me adeo non doluisse, ut milii videaris lanæ vellus in me coniecssisse. Cuius rei perspicuum illud indicium fuit, Non senti quod nec exclamauit, neque, vt in dolore fieri solet, ingemuit, neque ullum in eius corpore plagæ vestigium apparuit.

Tunc, his omnibus cognitis, Atharidus eum iussit interfici: & iniquitatis ministri, dimisso Sansale prebbytero, Sabam ad fluuium, qui vocatur Musaeus, & eum suffocarent, traxerunt. At beatus vir præcepti Domini memor, & proximum diligens sicut seipsum: Quid, inquit, peccauit Presbiter, quia tecum non moritur? Non est tuum, respondebat minister, istud præcipere. Tunc ille in exultatione Spiritus sancti exclamauit, ac dicit: Benedictus es, Domine, & laudabile nomen filii tui in secula, Amen: quoniam mortem. Atharidus quidem seipse morte damnavit, atque interitu sempiterno, me autem ad vitam mittit perpetuam. Sic enim tibi complacuit in seruis tuis, Domine Deus noster. Et cum duceretur, nunquam cessauit Deum collaudare, dignas non putans afflictiones Rom. 8. huius temporis ad futuram gloriam, que in Sanctis reuelabitur. Cum autem ad fluminis ripam ductus esset, ministri inter se: Cur non, inquit, dimittimus hominem hunc innocentem? Nunquam enim Atharidus hoc est reciturus. Sed beatus Sabas dixit ad eos: Quid nugamini, ac non potius facitis id, quod vobis est imperatum? Ego video id, quod vos non potestis intueri. Eccè stant erégionè, qui me suscepturn sunt in gloria. Tunc eum ad aquam perduxerunt gratias agentem Deo, atque eum collaudantem, (Spiritum enim eius ad finem usq; non destitit id facere) & in flumen proiectum, ligno, quod eius collo alligauerant, in profundo suffocarunt. Atque ita per lignum & aquam defunctus, in se verum salutis Symbolum expressit. Erat autem annorum octo & triginta. Martyrio coronatus est quinta die sabbati post Pascha, id est, pridiè idus Aprilis. Valentino & Valente Imperatoribus, Consulatum gerentibus Modesto & Arintheo.

Deinde extraxerunt illum ex aqua homicidae, & insepultum reliquerunt. Verum nec ferae, nec volucres eius reliquias attigere, sed a pijs fratribus seruatæ sunt, easque clarissimus Dux Iosforanus Deum colens, missis viris fide dignis, è loco barbaro in Romaniam transtulit, & preciosum patriæ suæ munus, & fructum fide gloriosum misit in Cappadociam ad vestram religionem, Domino gratiam suam ijs, qui sustinet & timent ipsum, largiente. Quamobrem, qua die Martyr coronatus est, sacrificantes, hoc reliquis fratribus nunciate, vt in omni Catholica atque Apostolica Ecclesia exultantes, collaudent Dominum, qui proprios seruos suos elegit. Salutate omnes Sanctos. Salutant vos hi, qui nobiscum perlectionem patiuntur. Ei autem, qui potest nos omnes gratia & benignitate sua in cælesti regnum perducere, gloria, honor, imperium, maiestas cum vnigenito Filio, & sancto Spiritu in secula seculorum, Amen.

VITA ALFERII, PRIMI ABBATIS CAVENSIS PROPE NEAPOLIM, A' QVODAM EIVS FERE equali docto viro, & ut videtur, Abbate edita. Vtrum sit in sanctos relatus, ignoro.

PROLOGVS AVTHORIS NON SOLVM IN ALFERII,
sed etiam Leonis, Petri atque Constabilis (quorum historias suis locis Lector reperiet) eiusdem cœnobij venerabilium Abbatum, Vitas.

Si iuxta diuinæ sententiam Veritatis, lucerna ad hoc accenditur, vt Matth. 5. super candelabrum posita, lumen domum intrantibus præbeat, bene prolate sententiae virtutem exequimur, si sanctorum virorum exempla ad minorum formam altius subleuemus. Ex alto quidem suæ revelationis ad instar ignis, quo longius lumen proferunt, inuitare eos, quos illustrant, melius possunt. Magna quidem cum fuerint, & nesciuntur, magnum, quod habent, lumen non proferunt: quia in imis locis & abditis occultantur. Et fortasse idcirco abscondi sub modio lucerna dicitur, quia ij, qui sanctorum lucidam conuerstationem sciunt, pro perfecta mensura illum, quam continent, modij nomine designantur. Ex inferiori vero parte experimentur, quando scita abscondunt, quia per meritum in imo & abiecto loco se cōstituant. Hinc

Nnn etiam

In aqua suffocatur, laudans Deum.
Is fuit annus Christi
372. iuxta Onuphiu.